

## DIPALOPALO TŠA PELE TŠA SETLHA SA GO FAELA SA 2024-2025

**Tshwane, 31 Janaware 2025** – Ditirelo tša Motšhelo tša Afrika Borwa (SARS) di leboga balefela motšhelo ba sebakanyana le ba Ditherasete bakeng sa go faela Dipušetšo tša bona tša Motšhelo wa Letseno tša ngwaga ka ngwaga tša ngwaga wa motšhelo wa 2024.

Setlha sa go faela sa balefela motšhelo ba sebakanyana le ditherasete se tswaletšwe ka la 20 Janaware 2025. Seswantšho kakaretšo sa balefela motšhelo ba sebakanyana, ditherasete le bao e sego ba sebakanyana ke se se latelago:

- Ge e sale go bulwa ga setlha sa go faela balefela motšhelo ba sebakanyana ba 543 252 ba faetše Dipušetšo tša bona tša Motšhelo wa Letseno la ngwaga ka ngwaga la ngwaga wa motšhelo wa 2024, ye ke 4.76% go tloga go 517 356 ya ngwaga wa motšhelo wa 2023 .
- Ka tlaleletšo, balefela motšhelo, ba faetše dipušetšo tšeo di bego di šaletše go tloga mengwageng ya go feta ya motšhelo. Palomoka ya 162 690 ya balefela motšhelo ba sebakanyana e faetše dipušetšo tša mengwaga ya go feta gomme se ke theogo go tšwa go 242 911 ka ngwaga wa motšhelo wa 2023. Palomoka tlalo ya 705 942 balefela motšhelo ba sebakanyana e faetše dipušetšo tša bona.
- Bakeng sa Ditherasete, re amogetše dipušetšo tše 84 134 go tšwa go balefela motšhelo bakeng sa ngwaga wa motšhelo wa 2024, yeo e lego koketšo go tšwa go 68 890 ya motšhelo wa ngwaga wo o fetilego. Go feta moo, go bilele dipušetšo tša Ditherasete tša 80 132 tša mengwaga ya go feta tšeo di dirilego palomoka ya 164 266 ya Ditherasete.
- Palo ya balefela motšhelo bao e sego ba sebakanyana bao ba faetšego Dipušetšo tša Motšhelo wa Letseno le bao ba lekotšwego ka othomethiki ke 6 797 055. Palo ya 4 765 753 e be e etšwe ka othomethiki bakeng sa ngwaga wa motšhelo wa 2024, yeo e oketšegilego ka 24.94% go tšwa go 3 577 239 ya mengwaga yeo e fetilego. Bjale ka ge go begilwe peleng, balefela motšhelo ba ga ba hloka go dira selo, gomme SARS e dirišitše methopo ya data yeo e lego gona go ba lekola ka othomethiki le go ba fa dipoelo.

Go na le koketšo kakaretšo ya palo ya balefela motšhelo ba sebakanyana le ditherasete ya dipušetšo tša go faela. Se se tloga se kgothatsa le ge e le gore se se tlo tšea sebaka go kgonthiša maemo a go amogelela a obamelo mo magorong a a balefela motšhelo. Go nale koketšego eo e lemogegago ya dipušetšo tša go faela tša balefela motšhelo bao e se go ba sebakanyana. Se se akaretša dikelo tša othomethiki tša balefela motšhelo bao e sego ba sebakanyana gammogo le bao ba faelago dipušetšo tša bona ka go ikemela. Se se laetša koketšo kakaretšo ya legoro, eupša ntle le go belaela, go tlo tšea sebaka kudu go tsebiša gore molefela motšhelo o mongwe le o mongwe yo a swanetšego go faela dipušetšo ba tloga ba phethagatša boitlamo bja bna bja semolao. Ka koketšego, SARS e tlo nepiša go hlohleletša obamelo ka boithaopo go magoro a a balefela motšhelo..

Go ya ka ditebo tša leano la yona, SARS e tloga e ikgafetše go fana ka hlathollo le tiišetšo go kgontšha balefela motšhelo go phethagatša boitlamo bja bona bja semolao. SARS e šoma go nolofaletša balefela motšhelo go dira ditransekšene le setheo ka diplatformo tša onelaene tše bjalo ka eFiling. SARS gape e thatafeletša le go lefiša ditefelo tša godimo go balefela motšhelo bao bas a obamelego molao ka boomo..

SARS le balefela motšhelo ba bapala karolo e kgolo ya ditšhelete tša setšhaba sa Afrika Borwa. Magoro ka moka a balefela motšhelo go akaretša Ditherasete, le tšeo di sa kgathego tema go ekonomi, di swanetše go ngwadiša bakeng sa motšhelo, go faela dipušetšo, le go lefela ka nako. Go se obamele molao wa motšhelo ke bosenyi gomme go ka gokara dikotlo le ditswala.

Balefela motšhelo ba baemedi ba Ditherasete ba swanetše go gopola gore ba na le maikarabelo go ya ka molao ka maemo a bona a semmušo le a mong go fihlelela botlamo bja bona bja motšhelo wa, le ge eba ba diriša setsebi sa motšhelo go laola merero ya bona ya motšhelo wa Ditherasete. SARS e tlo lebelela maikarabeloa batshephiwa ka moka ba Therasete ka mokopanelwa le ka bonoši bakeng sa obamelo ya motšhelo wa bona wa Ditherasete..

Khomišinare wa SARS Edward Kieswetter, o laeditše ditebogo go balefela motšhelo ka moka bao ba tšeerego magago a go phethagatša boitlamo bja bona bja semolao. O boletše gore “mola SARS e thakgadišwe ke koketšo kakaretšo ya obamelo, e sa le ka pejana go ka tsebiša phenyo. Ka tsela ye, SARS e tla tšwelapele go diriša theknolotši ya moragorago, bohlale bja ekišo, le saense ya data go diriša hlohleletšo ya obamelo ka boithaopo ka go kgonthiša gore go dira ditransekšene le setheo e ba maitemogelo a bobebe gape a go hloka maitapišo ao a tlo fokotšago kimelo ya obamelo. Se se tl dumelelana le morero wa SARS wa go fihlelela ditshephišo tša rena tša gore ‘tirelo e kaone ga se tirelo le ga teel’”. SARS e dira ka moo e ka ka kgonago go phethagatša ponelopele ya yona ya go ba SARS ya bohlale, ya sebjalebja, ya go šoma ka bohlale bja go se sodiše bjo bo tshephagalago gape bo ratwago ke bohle.

Go hwetša tshedimošo enngwe, ka kgopelo ikgokaganye le [SARSMedia@sars.gov.za](mailto:SARSMedia@sars.gov.za)